

Henz Dahbuliuj Eu Fwenlaux Cienz Feihyiz

布柳河畔唱古歌扬非遗

□ Maknam hoiz

Lozyez Yen youq laeng baihsaebaek Guengjsae, Dahbuliuj sawdik haenx con gvaq ndawyienh, neix mboujdan dwg gizdieg gumzmbwn seiqgyaiq, lij dwg giz bya heu raemx saw, gingjsaek gyaendei, yienghndei minzczu naekna ndeu. Bouxcuengh ranghdieg Dahbuliuj gag heuh swheij guh "Bouxndoeng", eiqsei dwg gij vunz youq ndawndoeng youqdingh de. Bouxndoeng youq Mbanjmolij comzyouq lai, mbanj neix daj doenghbaez couh cienziengq fwenlaux, neix couh dwg fwenlaux Bouxcuengh.

Fwenlaux Bouxcuengh daj Mbanjmolij fat daeuj, Mingzciuz couh miz, cienz daengz seizneix gaenq ndaej seiq bak lai bi, dwg cungj hozdung vunz lai guh angq doxgyau, aeubawx haqsau daengj aeu guh de. Bouxlaux cienz bouxiq, bohmei cienz lwg, fwenlaux Bouxcuengh couh yienghneix daih cienz daih, yungzhaeuj ndwenngoeng vunz lai bae. Baez daengz ngoenzciet, ngoenz saehhoengz roxnaeuz ngoenzhaw, vunzmbanj cungj gyaec eu fwen guhcaemz. Lumjbaenz ranz lawz yaek haqsau, ngoenz couxyah, mbiengj mehmbwk aeu nda daizlaeuj raezrangrang, bouxcawj bouxhek gak naengh song mbiengj, eu fwen ndumqlaeuj, singfwen singriu cienz bae gyaec'gyanggyang, nauhyied raeuh.

Fwenlaux Bouxcuengh gig miz daegsaek Bouxcuengh. Bouxlaux gangj, cungj fwen neix gaxgonq dwg "gangj" aeu, doeklaeng couh bienqbaenz "eu" aeu, eu gojfangz, lizsij, ndwenngoengz vunz lai, saeh dajndaem daengj, daengx hot fwen dawz saeh daj gyaec'geq daengz rieng, lwnh dwk caezcupcup, gig daegbied. Miz fwen cau doenghduz doenghgo, fwen leixsug, fwen doxgyaer, fwen geqhaemz, fwen senglw, fwen lwnyez, fwen ronghndwen, fwen doenghduz, fwen guhhong daengj. Coenz fwen miz haj cih, caet cih, mbanj cix haemq swyouz, mbouj hanh coenz ndeu miz geijlai cih. Doiqfwen miz bouxsai caeuc mehmbwk doxdioq, bouxsai gag doiq, mehmbwk gag doiq sam cungj. Diuhfwen rwenz raeuh, ndeidingq dangqmaz, vah fwen yungh ndaej giuj, moix hot fwen cungj dwg aen goj ndei ndeu.

Vih henhoh caeuc ciepcienz fwenlaux Bouxcuengh, aen cwngfuj Lozyez Yen youq ndaw

Mbanjmolij guh aen doih eu fwen, seiz mbouj seiz doxdax eu fwenlaux Bouxcuengh, caiq bien sawgaeuc fwenlaux, hwnjguh dieggiek cienziep fwenlaux, haeuj hagdangz eu fwen daengj. Vunz lai diegde gag roxnyinh "daj iq aeu son eu fwenlaux Bouxcuengh", bouxlaux son bouxioq, hawj gyoengqde daj iq couh gag haengj eu fwen.

Gyawj geij bi neix, Lozyez guh aen ciet fwenlaux Bouxcuengh, fwenlaux cienz ok rog bae, mizmingz lo. Mwh gvaq ciet, haujai hekyouz lij daegdaengq ra daengz mbanj daeuj yaw nauhyied. Ngoenzciet, beixnuengx Bouxndoeng seiqhenz mbanj fwngz doxring humx baenz gvaengx, eu fwen hohfuk, yienh' ok cingsaenz doxgiet vunz lai Bouxndoeng. Yienhciegz lij baijok buhvaq gyaendei caeuc gij dinfwngz daemjrok Bouxndoeng, yienjok sibsug soengq sainda, vunz lai youq gwnz dah bengcag daengj, hawj hekyouz caenn dang daejniemh vwnzva minzsug Bouxndoeng, gamjsouh yienghndei minzczu Lozyez.




▲Lwgnyez biujyienj cezmuz.

Lij Cunghhwngz ingj



▲Gyoengqvunz Eu 《Fwen Cauh Mbwn Cauh Dieg》.

Lij Ginhlungz ingj



▲Senhyinzgvauz Dahbuliuj.

Couh Wnhgwz ingj